

文淵閣

影印

四庫全書

影印

文淵閣四庫全書

第一三三九冊

北京出版集團公司
北京出版社

本冊目次

文苑英華(七)

宋 李 昉等奉敕編……………一

欽定四庫全書

集部

文苑英華卷六百二十八至三十

詳校官給事中臣李臺

助教臣常循覆勘

總校官進士臣朱鈐

校對官中書臣王璜

謄錄監生臣蔡炎林

欽定四庫全書

文苑英華卷六百二十八

宋 李昉等 編

謝恩一

為李卿謝三品狀一首

代鄭相公謝賜戰狀一首

謝官告狀二首

謝賜告身等狀四首

為侍郎李南公華州謝加階狀一首

欽定四庫全書

文苑英華卷六百二十八

謝譴讓狀一首

謝口勅放三司推問狀一首

為濮陽公謝罰俸狀一首

為李卿謝三品狀一首

范 咸

伏奉今月恩制特換一作授臣三品恩出非常罔知所措

臣以薄劣久忝班榮幸以地籍宗枝遂得位參卿寺常

憂踰分叅於正名豈臣灰粉所能答効自殊私俯及宿

疾頓除既承七命之貴更荷再生之澤才輕遇重以榮

以憂又先承聖恩賜臣藥酒自蒙救療日覺痊平但以微虛未堪趨伏拜恩間巷喜懼難勝馳心闕庭戰荷交集無任惶悚之至

代鄭相公謝賜戟狀

呂溫

門戟十二竿右今日中使某乙至臣私第奉宣聖旨賜臣前件戟者臣伏以國朝之制名器尤慎吏考三十始秩銀青戰勲十二乃號柱國必資具美方賜集作錫殊榮於是命服以朝加戟于戶將勸勞而責實亦馭貴而

欽定四庫全書

文苑英華
卷六百二十八

二

崇名上無謬恩下不虛受臣迹非奇致擢自諸生先皇以庶謹賜知密勿踰於一紀陛下以勤憂過聽委遇首於郡僚叨據樞衡亟移星歲雷霆用武曾無犬馬之勞日月垂文豈有螢燭之助徒以侍祠清廟拜舞集作壽鴻名屢逢慶賚集作賴驟假勲秩禮異其數物盛其容新其閑闕賜之榮戟衡門燕雀乍相賀於朱楹武庫龍蛇忽追飛於陋巷焜耀當代寵靈自天聚族知慙殺身匪報無任荷懼屏營之至謹奉狀陳謝以聞

此篇五百八十三卷表門重出今已削去

謝官告狀

白居易

新授將仕郎左拾遺翰林學士臣白居易

新授朝議郎守尚書庫部員外郎翰林學士雲

騎尉臣崔羣

右臣等伏奉恩制除前件官今日守謙奉宣進止特加慰諭并賜告身者聖慈曲被寵命猥加俯以拜恩跪而受賜舞蹈離次驚惶失圖伏以郎吏諫官古今所重位

欽定四庫全書

文苑英華
卷六百二十八

三

當辰集作星

象職在箴規皆須聞集作問

望清方行實端慤

然後可以佐彌綸於草奏集作昧

能正其詞盡獻納於芻

言必直其節苟輕所選實忝厥官臣等學識庸虛才質

愚懦自居近職忝冒已深況超擢榮班慙惶交至初授

殊常之寵聞實若驚再思難報之恩感而欲泣唯當奮

勵駑鈍補拾闕遺中誓赤誠上酬玄造俯伏愧畏集作憂愧

若無所容無任感恩兢惕之至謹奉狀陳謝以聞

同前

新授京兆府戶曹叅軍翰林學士臣白居易

右伏奉恩制除臣前件官今日守謙奉宣聖旨特加慰

諭無賜告身者俯俸集作拜恩怵惕受命戰越踟躕驚

惶失容蹈舞屏營不知所據臣叨居近職已涉四年自

顧庸昧無裨明聖慶忝歲久憂慙日深況於官祿之間

豈敢有所選擇但以位卑俸薄家貧親老養闕甘馨之

費病乏藥石之資人子之心有所不足昨蒙聖念雖許

陳情敢望天慈集作遽從所欲況前件官位望雖小俸

料則集作優臣今得之勝登貴位此皆皇集作明俯察

玄造曲成念臣為子之心集作賜臣及親之祿臣所以

撫心知愧因事吐誠烏鳥私情得盡歡於展養犬馬微

力誓效死以酬恩榮幸不止於一身感戴實深於萬品

無任荷恩抃躍之至

謝恩賜告身衣服并借馬狀 元 稹

右泰倫重晏至奉宣恩旨授臣前件官告身衣服疋帛

及借馬者忽降天書乍乘雲驥頌衣煥目賁帛盈庭皆

非朽陋之才宜受光揚之賜微臣無任抃躍慙惶之至

况臣素守集作性本疎愚且集作無朋黨去年陛下擢於集作

自郎吏命掌書詞非因宰相奏論特是聖慈超授感恩

深切頻獻封章遂遭分外侵誣不敢保全軀命豈謂恩

光轉至慮澤逾深出自宸衷選居近地不試便令入院

當日召見天顏口勅授官面賜章服授令承旨不顧班

資近日寵榮無臣比例發言感泣指日誓心苟無死節

之誠願受鬼誅之禍伏奉恩旨令臣明日本司赴上舊

欽定四庫全書 文苑英華 卷六百二十八 五

例便合中謝伏緣先有疏論邊事及幽州事宜兼緣李

愿入朝並要面自論奏伏料二十日入假已後南衙機

務稍閒特乞天恩許臣中謝謹錄奏聞伏聽進止集作

為蕭相謝告身狀

右中使某乙至奉宣進止賜臣某官告身一通者鳳銜

真誥虬捧天書錦帙金牋霞明一作日照臣間高宗命

說乃申納誨之詞大舜相龍爰有聖讒之訓空書簡冊

未煥繡細豈集作如臣寵榮而集作足為喻慙惶增懼進

退難安拜受恩光戰汗交集無任感戴殊私之至

又謝官狀

此篇移入五百七十四卷表門姑存其目

代裴相公謝告身鞍馬狀 杜牧

右中使某至奉宣聖旨賜臣告身一通馬一疋并鞍轡

臣生逢盛代竊位巖廊奉告令之詔書丹霄之雨露猶

濕賜集作錫代勞之駿馬內校之風雲尚隨寶軸煥絲綸

之言逸足騁拳奇之態螢光燭火何裨日月之明弱質

欽定四庫全書

文苑英華
卷六百二十八

六

孤根但荷乾坤之德殺身寧報撫已知慙無任感恩抃

躍懇悃之至

為侍郎汝南公華州謝加階狀

李商隱

右臣伏奉今月某日制書加賜臣階朝散大夫者榮從

日下恩自天中臣聞周室設官實重大夫之號漢臣異

禮則加朝散集作請之名若臣者辨乏談天文非擲地貪

叨華顯綿歷光陰當陛下御極之初分陛下憂人之寄

金章紫綬已塵求瘼之榮崇級清階更竊昇高之望循

揣斯久怔忡莫寧唯當勤奉詔條所希粗贖官謗誠深

感勵情切違離犬戀主而空深蚊負山而何力無任感

恩望闕結戀屏營之至

謝譴讓狀

李嶠

臣特蒙天慈擢在樞近恩私屢及寵命頻加粉骨糜軀

雖久誓於心府纖埃滴水竟無補於川岳是用晨宵載

惕啓處增慙素自庸愚加以疾疹心緒遺忘耳目昏沉

欽定四庫全書

文苑英華
卷六百二十八

七

實恐虛曠天工傾敗鼎餗伏思大臣引咎之義輒露微

軀陳力之請豈敢避執掌之職就優游之閑臣每思古

人竊仰遺事充國則卧而陳策子囊則死不忘忠臣自

念妨賢甘從屏退敬竭芻蕘之議庶裨日月之明所以

因欲辭違昧冒陳上智愚庸短自速慙尤伏奉綸言俯

垂恠責心膽飛越五情無厝跼天踏地伏待刑科死罪

死罪無任戰懼之至謹詣明福門奉狀陳謝以聞

奉謝口勅放三司推問狀 杜甫

右臣甫智識淺昧向所論事涉近激訐違忤集作忤聖旨

即下有司具已舉劾甘從自棄就戮為幸今日已時中

書侍郎平章事張鎬奉宣口勅宜放推問知臣愚憊集作憊

懇捨臣萬死曲成恩造再賜骸骨臣甫誠頑誠蔽死罪

死罪臣比集作比陷身賊庭憤惋成疾實從間道獲面集作面

謁龍顏猶逆未除愁痛難過猥廁衮職願少裨補竊見

房琯以宰相子少自樹立晚為醇儒有大臣體時論許

琯必位至公輔康濟元元陛下果委以樞密眾望甚允

欽定四庫全書

文苑英華卷六百二十八

八

觀琯之伏集作深念主憂義形於色況畫一保大其素所

蓄積者已而琯性失於簡酷嗜鼓琴董庭蘭今之琴工

遊琯門下有日貧病之老依倚為非琯之愛惜人情一

至集有於字玷污臣不自度量歎其功名未垂而志氣剝削

覬望陛下棄細錄大所以冒死稱述何思慮未集作始竟

闕於再三陛下貸以仁慈憐其懇到不書狷狷之罪集作作

過復解網羅之急是古之深容直臣勸勉來者之意天

下幸甚天下幸甚豈小臣獨蒙全軀就列待罪而已無

任先懼後喜之至謹詣閣門進狀奉謝以聞謹進

為濮陽公謝罰俸狀

李商隱

右臣伏準御史臺牒奉恩旨以臣不先覺察妖賊賀蘭

進興等宜罰兩月俸料者伏以霧市微妖潢池小寇有

乖先覺上黷宸聰昔漢以捕集作捕盜不嚴猶加黜削晉

以發姦無狀亦峻科條豈若皇帝陛下恩極好生德集作德

仁唯有過與其漏網止以罰金臣與僚屬等無任戴思

宥罪屏營之至

欽定四庫全書

文苑英華卷六百二十八

九

文苑英華卷六百二十八

欽定四庫全書

文苑英華卷六百二十九 宋 李昉等 編

謝恩二

謝弟授官狀四首

謝兄加恩狀二首

為子謝恩狀九首

謝賜母國號狀一首

謝除副使等狀一首

欽定四庫全書

文苑英華
卷六百二十九

謝賜將士等物狀五首

謝兩弟移官就養狀

張九齡

右臣兩弟蒙恩移官就養老母感戴殊澤戰荷兼深臣

山藪陋材豈堪國用日月私照謬掌綸言犬馬以地近

見矜烏鳥以情至蒙福曲成孝理之賜莫知報效之所

無任悚躍

集作懼

荷恩之至

讓兩弟起復授官狀

右臣昨以兩弟身名狀涉隱冒家且未正焉能正人所

以陳露奏聞誠欲自律今日高力士宣勅令與兩弟京

官慈旨優柔感深骨髓微臣何有叨此殊恩但臣自罹

災殃

集作殃罰

纔踰年序忝承重任不敢顧私而鞠育之恩

終懷罔極几筵在遠奠酹不親唯有兩弟在家獲申情

紀今若恭承恩命盡在墨綬將以

集作何心

何顏可偷此

倫責陛下每弘教義必先名節豈於愚臣不

集作無

少矜

憫若使九臯等獲免罪戾幸無削除在臣闔門已霑殊

澤更令授職俱遠哀次於臣私情實所不忍且於朝議

欽定四庫全書

文苑英華
卷六百二十九

必多

集作有

喧黷乞寢恩

集作成

命俯亮愚衷冀無玷大猷

豈敢自遂而已不勝哀荷戰懼之至

此是讓狀緣次篇謝兩弟授官故英

華併入

謝兩弟授官狀

右臣伏奉昨二十日恩命授臣弟九臯殿中丞

集作殿中大監

九章太子司議郎臣私門積疊殃罰如昨日月逾邁禮

及外除弟九臯等如臣常材

集作加

以常材比伏

集作福

哀疚瞻

望未遠縞素

集作練

猶存非常之恩一朝摠集慙惶哽咽

罔識言次不知微命餘生何以上答集作報大造載悲載

躍集作懼五情飛越不勝感戴戰悚之至

為令孤相國謝迴一子官與弟狀

元稹

右臣奉某月日勅以所賜臣一子官迴與臣弟定授六字

集作迴授京兆府藍田縣尉者寵過憂深集作來恩殊感

極彷徨自顧悚惕難居臣本實凡愚集作才猥當重任雖

星辰軌道幸屬聖時歲月環周實妨賢路未蒙罪退益

欽定四庫全書文苑英華卷六百二十九三

自慙惶豈謂集作天慈仍加渥澤特降推恩之命曲成

友愛之私九族生光百身集作年何報况藍山集作田美邑

黃綬清流旋觀冉冉之趨倍慶怡怡之樂手足交抃形

影相輝空鏤肝心難酬雨露無任抃躍感恩之至

為晉公謝兄林宗為太僕卿狀

苑咸

右臣伏承今日恩制除臣兄太常少卿林宗為太僕卿

明命自天惶一作作無地臣兄每私門誓約公道為心

務竭忠勤敢踰涯分豈謂陛下降中旨之詔假望外之

恩拔自奉常正於群僕臣久居宰輔職忝進賢考盤之

詩未能息詠葛藟之蔭先及本根渥澤既重於丘山光

輝復聯於花萼一門為幸九死何酬無任感戴惶悚之

至

為晉公李林甫謝賜兄衣服狀

前人

右臣今月某日中使郭全羽至奉宣聖一作恩旨賜臣兄

欽定四庫全書文苑英華卷六百二十九四

太僕卿林宗紫衣一副并犀角集作腰帶及金魚袋恩出

常倫一作非常榮超望表闔門捧戴喜懼失圖臣少遭閔凶

早違怙恃兄弟素少形影相依幸遇休明俱霑官序且

一身叨竊謬踐一作奉台衡闔門寵榮皆承天覆恩獎所

及始望已過但兄林宗年力稍一作俱侵近嬰風疾常恐

溘先朝露不報前期一作恩豈謂渥澤特深鴻私曲被河

海重寄已叨集作荷命卿之榮章印崇班更承綬一作受服

之賜慶流公族光照私門雖喜鵲一作鴈之詩終懼維

鵜之刺無任喜懼感佩之至

此篇五百九十二卷表門重出前已削去注異同

為一作

為晉公謝

疑作讓

男五品官狀

右臣今日曲蒙聖恩處分仙客令與臣男岫五品并授外郎愚誠懇辭天鑒不察仙客承旨又已進官憂懼失圖不知死所臣幸承天蔭特荷殊榮無補消塵常覲面目至如邊城克捷狂寇肅清皆睿略玄通聖謀獨斷臣

欽定四庫全書

文苑英華卷六百二十九

五

之遙統但有空名敢冒天功而為已力虛承厚委深是曠官況在頑童何議延賞假使天慈善誘宸睠曲臨變其服章已深榮幸更塵清獎何以自安且郎官之任朝廷俊選無人則缺不可虛授臣男岫性資愚戇無所能為臣實知之非為矯飾儻謬踐華省深累聖朝必負黃童之才豈憚祁奚之舉知其不可敢乞收恩制命未行猶祈更寢無任懇款之至謹冒死陳請以聞

代王尚書謝一子官狀二首 王仲周

右臣素乏器能謬司方鎮敗公之責夙夜惟憂延世之榮雨露覃及顧老臣以增懼念童子以何知恩私忽臨負荷無力不勝惶恐屏營之至

二

臣某言伏見某月日制除臣男憑御史中丞捧讀綸音驚慙無據臣頃戰伐河北男亦隨身救援李忠頓軍易定屬陛下遷幸間及河南臣留與論婚娶然得引軍闕右堅保渭橋承算略於皇明推兇醜於都邑事關聖運

欽定四庫全書

文苑英華卷六百二十九

六

功匪衆人陛下特以微功錄其小子年未登於弱冠官已及於中司若以忠孝而升且無往例若由臣闕授是系國章臣初沐殊私即將陳讓但緣李忠在外方遏寇戎已行之恩難可追止柔遠之體或要順從勉承不次之榮益荷無窮之惠君親垂施並居踰等之官父子同心各獲捐軀之地不勝感荷屏營之至

為人作謝子恩賜狀五首 令狐楚

右臣得進奏院狀報中和日伏蒙天恩賜臣男公敏內

宴併賜前件綾羅三十疋銀碗一者臣伏以桃花始開
黃英初吐陛下式崇佳節以慶仲春舞八卦於廣庭陳
四詩於別殿道光在鎬義冠濟汾蓋所以勞徠勲賢昭
明慈惠男公敏年方童幼智之老成何殊一芥之微忽
宴九天之上乳口而食嘗鼎食青襟而陪列朝班越次
之恩已深逾涯之賜仍及色絲成疋爛盈其箱篋白金
為器皎映於盃盤澤流而九族皆榮信至而萬夫相慶
生子如父無功則同知臣者君報德何日徘徊官次喜

欽定四庫全書

文苑英華
卷六百二十九

七

懼交并戎守有限不獲陳謝無任感恩結戀屏營之至

二

右臣得男公敏狀今月十八日中使王希朝到院奉宣
聖旨緣臣男患耳賜絹一百疋以充藥直并遣醫人劉
江診療者臣自受國恩已更歲序其於功績絲髮未伸
夙夜憂兢不知所處男公敏昨緣耳疾今赴上都素乏
義方未能典謁豈意陛下惻隱之德俯加於纖芥敦睦
之慈旁流于枝葉殊恩猥及渥澤曲臨特降醫工厚霑

藥直雖犢之疾料即痊除君親之恩何可報效榮光燭
於府舍喜氣溢乎閨門恩深命輕繼以感泣戎役有限
未獲躬詣闕庭陳謝不勝感戴

三

右臣得進奏官趙履溫狀報中使姚文嵩到院奉宣進
旨賜臣男公敏冬至節料羊酒麵等伏以愚臣在邊賤
等蟻蟻弱子無疾微如塵埃豈意陛下施惠必均推恩
皆及屬登臺以望之日降其出如綸之言錫香醪而滿

欽定四庫全書

文苑英華
卷六百二十九

八

壺頒肥羜以盈几伏自惟念不勝所蒙一門驚莫大之
榮百衆賀非常之慶未知報效空積慙惶日月高明照
臣忠懇所守有限未獲躬詣闕庭陳謝不勝感戴戀結
之至

四

右臣得進奏院狀報前月二十九日中使甚至奉宣進
旨賜臣男公敏歲料羊酒麵等臣自領北藩于今五稔
曾無明略以奉大猷孤直愚忠未足報陛下萬分之一

男公敏伏緣醫療勤赴京都尚未平除爰逢歲節豈意
翩蜎微物飛舞於東風靡靡輕生霑濡於春雨降少牢
而頒賜迺中貴以宣傳麵起玉塵酒含瓊液鱣鼠飲河
之腹聞以滿盈老牛舐犢之心喜無終極深恩似海弘
覆如天寧唯感激一門實亦光明九族何階報答終日
慙惶空將許國之身誓竭在邊之力所守有限不獲陳
謝無任感恩抃躍之至

五

欽定四庫全書

文苑英華
卷六百二十九

九

右臣得進奏院狀報二月二十九日中使某至奉宣進
旨賜臣男公敏寒食節料羊酒麵等至二十一日中使
某又宣賜麥粥餅餤者臣伏以天地之恩所加斯厚君
臣之義有感則深臣自守近藩曾無薄效緣恩處義以
月繫年男公敏未識憲章獲叅班序每因令節又沐殊
私班首之羊委其全體擢芒之麥散以輕塵粥既擬於
瓊膏餤有同於萍實出為寵錫皆申上帝之心食以充
盈莫匪小人之腹消毫未展饗餐已頻常懷覆餗之憂

有忝分甘之施苟仁之逮下微物敢讓於生成如澤或
因臣瑣質何堪於負荷官守有限不獲陳謝無任感恩
抃躍之至

同前

右臣得進奏院狀報今月九日中使李朝誠到院奉宣
進旨賜前件節料麵肉等次十日中使徐智嚴奉宣聖
旨又賜麥粥餅餤者寵榮便繁錫賚稠疊或陳於廊廡
或貯在罇壺酒可駕車麵疑經市而况屑杏實以為粥
味甜於蜜卷牢肉以成餤規大於拳皆出御厨無非仙
饌而牆之目未曾窺見含糗之口忽此捧嘗恩逾涯分
榮冠倫列在微臣而過幸日益憂兢念小子之何知無
由答效身輕施重負荷難勝所守有限不獲陳謝無任
抃躍之至

為蕭相謝賜太夫人國號告身狀

元稹

恩賜臣母國號告身一通右今月日某乙奉宣恩旨賜

欽定四庫全書

文苑英華
卷六百二十九

十

臣母前件告身恩光灼耀捧戴兢惶對揚天休無任戰

越臣家傳儒素母實劬勞每纖履以資臣宦遊嘗斷織

以勉臣師學念臣庸昧本望非高所希捧檄之榮敢萌

集作開國之慶陛下恩加望外簡自宸衷石窌封疆已

光於萬葉藥珠文字重降於九重朝野謂之殊私宗族

以集作之榮光臣及臣母以抃以歡誓將齋戒洗心永

奉真人之誥緘滕在筭深藏大帝集作之符寶過金籙

瑞同鵲印蓼蕭知感雨露難酌無任抃躍兢懼集作之

至欽定四庫全書
文苑英華 卷六百二十九 十一

為滎陽公謝除盧副使等官狀

李商隱

新授某官盧戡 新授某官任繕

右臣得進奏官某狀報臣所奏盧某等二人奉某月日

勅旨賜授前件官充職者臣謬當廉印合起幕庭撫魚

罩以興懷懼殺皮之廢禮盧戡與臣同年登第少日論

交學富文雄氣孤志逸玉清越而為樂女舒退集作以

求媒實懷難進之規不起後時之歎任繕幼學孝悌潔

淨精微得君子之時中友鄉人之善者匪因請托實自

諳知皇帝陛下俯照遠藩咸加命秩南臺貼職延閣分

班使戡有紆朱之榮繕無衣白之見已經聖鑒可謂國

華冀收規畫之功共奉澄清之寄不任感恩荷聖集作

之至

為人作謝防秋迴賜將士等物狀

令狐楚欽定四庫全書
文苑英華 卷六百二十九 十二

右件將士中使朱孝誠監領某月日平安到太原其賞

物並勅給付訖臣伏以受命以行人臣之節斯著及期

而代君父之仁已深陛下愛育武夫綏懷猛士采薇遣

戍既霑挾纊之恩出車勞旋又有分纁之澤纔識家而

競入俄拜賜以嵩呼盡忘征役之勞固感生成之德况

臣叨居將帥獲沐恩波所守有限不獲陳謝

為人作謝賜行營將士疋段并設料等物狀

前人

右臣得行營兵馬使李黯狀報伏蒙聖恩賜前件正段設料者伏以懷生之類莫匪王臣有事之時唯聽君命今者天誅小醜恩施羣雄豈謂偏裨皆蒙賜賚需以飲食比肩而膚革充盈資於束帛連袂而衣裳華楚空知飽德何以勝恩競堅摩壘之心爭竭拘原之力臣叨居將帥誓掃寇仇感戴屏營倍萬恒品

為人謝賜行營將士襖子及弓弩狀

前人

欽定四庫全書

文苑英華
卷六百二十九

十三

右臣得兵馬使李黯狀伏蒙聖恩賜前件物等者伏以狂賊未平偏師在遠臣並全支器械厚給衣裝陛下念以戰爭矜其寒苦特頒星使猥降天波衣絮八蠶之繇暖如狐腋弓纏九牛之角勁若烏號頒及連營來從國府遙知被服皆不憚於兵鋒綰想操張盡一作將穿於虜骨歡聲感動勇氣蒸騰信山嶽之可移豈妖氛之足滅臣名叨將帥志掃寇讐沐恩澤而空深效勤勞而尚淺誓將忠懇以勵驍雄所守有限不獲陳謝

為人謝賜天德防秋將士綿一作馳絹狀

前人

右臣今月七日中使朱孝誠至伏奉詔書兼宣恩旨賜前件綿絹等臣伏以武夫之用職在防虞壯士之心樂從征役陛下仁慈廣被渥澤旁流諭以功名賜之綿帛荷殊私而東拜悉有兼衣賈餘勇而西行若無遠道同將日力共振天聲臣猥守藩隅叨居將帥欣榮感戴實百恒情

欽定四庫全書

文苑英華
卷六百二十九

十四

為人謝賜將軍官告狀

右臣中使朱孝誠至伏奉詔命慰問臣并宣慰旨允臣所奏當使諸將官賜前件告身者寵命從天榮光溢路謹呼感戴皆不自勝臣素是懦愚叨居上將微誠空竭薄效未伸伏蒙陛下曲降天波俯加王澤華資清秩周及於百夫喜氣謹聲喧傳於一道家藏寶軸人受綸言三軍驚非次之榮萬井賀殊情之慶誓將苦節上答明恩謹准勅捧受分給訖臣與諸將等限以所守不獲詣

闕陳謝無任抃躍之至

欽定四庫全書

文苑英華
卷六百二十九

十五

文苑英華卷六百二十九

欽定四庫全書

文苑英華卷六百三十

宋 李昉等 編

謝恩三

謝勅書手詔狀一首

謝中使招撫狀一首

奏廣州結好使事由奉詔書謝恩狀一首

謝宣慰等狀七首

謝御札狀一首

欽定四庫全書

文苑英華
卷六百三十

一

謝賜藥狀二首

謝臘日賜藥等狀一首

謝賜藥金盞等狀一首

謝賜藥金狀一首

謝賜神刀食金狀二首

謝醫藥狀二首

謝問疾狀一首

謝賜紅雪等狀一首

謝勅書手詔狀

常袞

右今月十一日中使劉廷玉至奉宣慰命賜臣前件書
詔臣謬忝防虞未申戎効寄分廉察又乏吏能尸素實
深咎責難追聖慈弘貸榮渥累霑俯降天書無賜墨詔
睿詞寵飾曾無毫髮之勞宸旨密臨特受腹心之寄自
驚朽骨遠被殊恩捧承戰慄驚跪踴躍駕寒之力過負
已多鴻私未酬慙懼彌積軍州同慶惠澤溥將慰勉載
加感悅交集無任抃躍惶悚之至

欽定四庫全書

文苑英華
卷六百三十

二

為王大夫謝中使招撫狀

崔行先

臣某言頃者元誼等擅固城池有違詔命臣出師野次
持守經年以水攻圍俟其離變誓殲兇叛以靜方隅伏
以陛下至德至仁好生惡殺恐失理死不忍誅夷特令
中使就此招撫今洺州收復閭井獲安此皆天威光被
神武底定顧惟愚陋載荷鴻私不勝感戴踴躍之至

奏廣州結好使事由奉詔書謝恩狀

裴次元

右臣伏奉某月日手詔令臣速具前件官本末事由聞
奏臣去月日謹具某官歸本道事以聞某月日奏官至
伏奉某月日手詔所奏某官尋赴廣州事宜具詳本末
想宜知悉者臣伏以綸綍下於紫霄明命光於滄海榮
深感極寵洽心驚周章失圖歡惕交集顧臣鄙劣忝寄
藩維無補消埃累更涼燠矧茲地遠敢望恩加日月照
臨之明無幽不燭乾坤生成之德在物莫遺豈期奏報
常儀特降詔書慰撫事逾等列喜萬恒情伏以軒墀一

欽定四庫全書

文苑英華
卷六百三十

三

違歲序三變謬職愧深於星瑋荷恩思拜於彤庭廁清
列於班行義冠劍而何日守炎荒之遐服甘瘴癘以嬰
身懷死節之丹誠願生還於絳闕每承存諭之命更切
攀戀之心臣不勝感恩歡躍屏營之至

為人謝宣慰狀

令狐楚

右監軍李輔光迴伏奉勅書手詔宣慰臣及參佐將校
官吏等者臣竊位大藩連榮近屬戴山之力雖竭橫草
之功未聞寢興以思憂愧若厲伏惟陛下日明于上子